

La acuile dal Friûl su lis maiis dal Udin

*Graciis ae colaborazion cu la ARLeF, il simbul
al è sul training kit 2026/27 de Udinese Calcio*

La identitât furlane e je protagoniste de gnove stagjon de Udinese Calcio. In graciis de colaborazion cu la **ARLeF – Agenzie regionâl pe lenghe furlane**, la maie dal training kit 2026/27, realizade de Macron, e à sul pet la acuile dal Friûl, simbul storic de comunitât furlane. Une siette che e infuartis il team fra il club e il teritori propit tal an che l'Udin al fâs fieste pai 130 agns de fondazion.

Za tai prins alenaments de stagjon, a pene tacâts, i zuiadôrs blancs e neris a àn doprât il gnûf kit, caracterizât dai colôrs blu e zâl dal Friûl. Cu la acuile sul cûr, la maie di alenament e devente un simbul di apartignince e e valorize storie e identitât furlane, contribuint a promovile ancje fûr dai confins regionâi.

«O sin une vore contents pe siette dal Udin di valorizâ sul lis sôs maiis la bandiere dal Friûl», al declare il **president de ARLeF, Eros Cisilino**. «E je une iniziative cuntun significât identitari fuart, che e met adun sport, storie e apartignince e che e contribuîs a mostrâ, ancje fûr de region, un simbul une vore inlidrisât intai tifôs e inte comunitât furlane. E je une siette che e merete i nestrîs compliments plui sclets». Une siette



*La maie dal training kit 2026/27 cu la
acuile dal Friûl sul pet.*

che no à puartât nissun finanziament di bande de Agenzie.

La acuile che e je su la bandiere dal Friûl, ricognossude ancje cuntune leç regionâl, si ispire al vessil doprât dal patriarcje Beltram di Saint Geniès, che al à vuidât il Patriarcjât di Aquilee tra il 1334 e il 1350. La bandiere e je la setime plui antiche in Europe e il so esemplâr originâl al è conservât tal

Museu dal Domo di Udin.

La colaborazion tra ARLeF e Udinese Calcio e conferme cemût che il sport al pues jessi dal sigûr un veicul straordinari di promozion de culture e de identitât dal Friûl, rivant a puartâ un dai siei simbui plui rappresentatîfs sui cjamps di alenament e intai stadis, denant dal public talian e internazionâl.



Premiati i benemeriti della Contea di Cussignacco

Organizzata dall'associazione Bocciofila di Cussignacco sono stati conferiti dei riconoscimenti dell'associazione Cavalirs Morganatics de Contee di Cussigna, da parte del presidente dell'Arlef Eros Cisilino ai benemeriti cittadini della Contea: Zani Piasenzotto editore de "Il Friuli" prima e de "Il Pais", Claudio Cucina e Valdina Paiero ristoratori e infine, proprio, alla Bocciofila nelle mani del presidente Enzo Bassi associazione che per l'attività sportiva e sociale svolta sul territorio dall'ottobre 1958 è stata riconosciuta come "presidio di friulanità".

In foto da sx Eros Cisilino, Enzo Bassi, Claudio Cucina e Valdina Pajero